

ধুতুরা ও যুঁই

বিজন আচার্য

শরৎ বুক হাউস

১৮/বি, শ্যামাচরণ দে স্ট্রীট, কলিকাতা-১২

প্রকাশক :
বিমানকুমার আচার্য
৮, নীলান্বর মুখার্জি ষ্ট্রীট,
কলিকাতা-৪

শ্রাবণ ১৩৪৭

মুদ্রক :
নিখিলেশ সেন গুপ্ত
গ্রন্থ পরিক্রমা প্রেস
৩০/১বি, কলেজ রো
কলিকাতা-৩

কবিচর্যা

কবিপ্রতিষ্ঠা নেই অথচ ভালো কবিতা লেখেন এমন মানুষের সাক্ষাৎ কচিং-কখনো ঘটে। যশের জন্ম নয়, অর্থের জন্মও নয়; কাব্যরচনা তাঁদের চারুশীলনের অপরিহার্য অঙ্গ। মহাকালের সোনার-তরীতে হয়ত তাঁদের স্থান হবে না, কিন্তু সহৃদয় সামাজিকের কাছে তাঁদের সমাদর চিরদিনের।

বিজনকুমার আচার্যের সঙ্গে আমার পরিচয় অল্পদিনের। কিন্তু এই অল্পদিনের মধ্যেই আমি এই প্রচারকুঠ অপ্রগল্ভ মানুষটিকে ভালোবেসেছি। বুঝেছি কবিতা তাঁর অন্তরঙ্গ আত্মপ্রকাশেরই বাহন। তিনি বলেছেন, পরিহাস-রসিক বন্ধুরা ঠাট্টা করে বলে :

মানের বই-এ হাত পাকালে ফলত' কিছু ফল,
রূপোর সাথে রূপালী চাঁদ, সংসারেতে বল।
সেই দিকেতে নেইকো খেয়াল,
বইছ শুধু ভূতের জোয়াল,
বললে কথা কান পাত না পাবেই শেষে ফল,
সাধ হয়েছে দেখতে তলা—দেখ না হয় তল।

কবিতাটি আছে ছোটদের জন্ম লেখা বিজনকুমারের 'চটর পটর' কাব্যগ্রন্থে। আত্মপরিহাসের ভঙ্গিতে লেখা হলেও ওটি কবির আত্মকথা। ভূতের বেগার নয়, ভূতের জোয়াল হয়েই কবিতা তাঁর কাঁধে চেপেছে। তিনি বলেছেন,

সন্ধ্যা ঘনায় যখন মেঘে
বাইরে দেয়া উঠছে ডেকে
আব্ছায়াতে ঘরের কোণে চলছে কানাকানি
ঘরের মন বাইরে ডাকে কার সে হাতছানি ?

এই রহস্যময় হাতছানি কবির ঘরের মনকে বারবার বাইরে ডাক দিয়েছে আর তারই স্বতঃস্ফূর্ত প্রকাশ ঘটেছে মঞ্জুভাষী কয়েকগুচ্ছ কবিতায়।

বিজনকুমার মুখ্যত প্রেমের কবি। তাঁর প্রথম কাব্যগ্রন্থ 'গুঞ্জন' প্রকাশিত হয়েছিল ১৩৫২ সালের বৈশাখে। ঘরোয়া দাম্পত্যপ্রণয়ের চিরপুরাতন বিরহ-মিলন-কথা ওতে গুঞ্জরিত হয়েছে। তাঁর আসন্নপ্রকাশ নতুন কাব্যগ্রন্থের নাম 'ধূতুরা ও যুঁই'। নামকরণের তাৎপর্য বিশ্লেষণ করে কবি বলছেন,

প্রকৃতির শাস্ত রূপ, ক্ষুদ্র জনগণ,
লুকু হুঁয়ে মন।
একের গরল পানে বিষের যে জ্বালা
অপরের প্রশান্তিতে শান্তিবারি ঢালা,
বিপরীত দুই;
ধূতুরা ও যুঁই
এসেছিল জীবনের প্রদীপ্ত বাসরে,
তারি গান গাই তাই তাদেরি আসরে।

কিন্তু বিজনকুমারের কাব্যলোকের অন্তঃপুরে প্রবেশ করলে দেখা যাবে, ক্ষুদ্র জনগণ নয়, প্রশান্ত প্রকৃতিও নয়; বিচিত্রস্বাদী প্রেমই তাঁর কবিতার বিষয়বস্তু। আর, বলাই বাহুল্য, শিল্পগোত্র মানুষের হৃদয়বাসনায় প্রেমের দুটি রূপ। স্বকীয় আর পরকীয়। রবীন্দ্রনাথের শেষের কবিতার নায়ক অমিত রায়ের ভাষায়, 'যে ভালোবাসা ব্যাপ্তভাবে আকাশে মুক্ত থাকে, অন্তরের মধ্যে সে দেয় সঙ্গ; যে- ভালোবাসা বিশেষভাবে প্রতিদিনের-সব কিছুতে যুক্ত হয়ে থাকে, সংসারে সে দেয় আসঙ্গ।' এই দুই প্রেমের পার্থক্য বিশ্লেষণ করে অমিত রায় বলছে, একটি যেন ঘড়ায় তোলা জল, প্রতিদিন তুলবে, প্রতিদিন ব্যবহার করবে। আরেকটি যেন দিঘি, সে ঘরে আনবার নয়, প্রেমিকের মন তাতে সাঁতার দেবে।

সামাজিকের বিচার যাই হোক, রসিক মানুষ বলবে, প্রেমের এই দুই রূপ যার উপলব্ধিতে ধরা পড়েছে প্রেমের জগতে সে ভাগ্যবান। কেননা সে-ই প্রেমকে সম্পূর্ণভাবে পেয়েছে। বিজনকুমারের 'গুঞ্জন' আর 'ধূতুরা ও যুঁই'— এই দুখানি কাব্যগ্রন্থ একসঙ্গে পড়লে দেখতে পাওয়া যাবে, কবির সূক্ষ্ম ও সূকুমার প্রেমচেতনায় প্রেমের স্বকীয় ও পরকীয়—দুটি রূপই উজ্জ্বল হয়ে উঠেছে। যে-প্রেম প্রতিদিনের সব-কিছুতে যুক্ত হয়ে থাকে তার কথা তিনি বলেছেন 'গুঞ্জে'; আর যে-প্রেম ব্যাপ্তভাবে আকাশে মুক্ত থেকে অন্তরের মধ্যে দেয় সঙ্গ সেই প্রেমের

কথা বলা হয়েছে 'ধূতুরা ও যুঁই'-এ। যুঁথিকার প্রাকৃত রূপ জুঁই হলেই ভাষা-
 তাত্ত্বিক খুশি হতেন ; কিন্তু প্রাকৃত জগতের হয়েও যা অপ্রাকৃতের আভাস এনে
 দেয় তাকে যুঁই বলতেও আমার আপত্তি নেই। মহদয় কাব্যরসিক আমাকে
 অবশ্যই ভুল বুঝবেন না, আমি অলৌকিক অর্থে অপ্রাকৃত কথাটা ব্যবহার করিনি।
 অপ্ৰাপণীয় বলেই এই প্রেম অপ্রাকৃত। কবি বলছেন,

চকিত চপলা মেঘে করে খেলা
 ধরিবার সে তো নয় !
 শুধু অকারণ ব্যথার দহন
 অন্তরে করে ক্ষয় ।
 তবু তারি লাগি ফিরি পথে পথে,
 ভুলিতে পারি না তারে কোন মতে ,
 স্বপনের ছায়া কবে এ মরতে
 ধরেছে মানবী কায়া ?
 তবু করি ভুল হৃদয়ে আকুল
 যুগ-তৃষ্ণার মায়া ॥

কবি যে-অনুভূতিকে বলছেন যুগতৃষ্ণার মায়া, আসলে তা কিন্তু মায়া বা মতিভ্রম
 নয় , চির-অপ্ৰাপণীয়া হলেও সে এই মর্ত্যজীবনেরই দেহলিপ্ৰান্তের প্রতিবেশিনী।
 তার সঙ্গে নিত্য-উপচীযমান পূর্বরাগ-অনুরাগের আদি পর্বটির কথা কবি নিজেই
 আমাদের শুনিয়েছেন :

সোনালী রোদের রঙ্ মেঘে গেছে লেগে ,
 নিশার স্বপন খানি স্মরণে জড়িত,
 আলগোছে সেই রোদ মুখেতে পড়িত,
 পরম আলস্য ভরে, হাতে তাই ঢেকে
 পাশ ফিরে খলে নিতে নভেলের পাতা ;—
 সে ছবি হৃদয়ে মোর আজো আছে গাঁথা ।

প্রতিবেশিনী এই সমবয়সিনীর যে মূর্তিটি কবিপ্রেমিকের কৈশোরের স্বপ্নসঙ্ঘিনী
 ছিল তার আশ্রয়শালা শাডীখানি ছিল 'অন্ধ ঘিরে অগ্নিশিখার মত ।'

প্রৌঢ়মানসে স্মৃতির কোটোয় সেই অগ্নিশিখার যে-সব ভাবানুষ্ঙ্গ সঞ্চিত আছে তার একটিতে প্রতিদিনের প্রাকৃত জগতেই ধরা দিয়েছে স্বপ্নলোকের মায়া। সেদিনকার কিশোর-কিশোরী-লীলায় কিশোরীটি 'রাগাঘরে খুস্তি হাতে নিয়ে/ব্যস্ত ছিল রন্ধনেতে রত।' তার পরের ইতিহাস কবিকণ্ঠেই শোনা যাক :

মেঘলা দিনের শুভ্র শরৎকাল
আকাশ ছিল নরম আলো' ঢাকা ;
তুলোর মত পেঁজা খণ্ড মেঘ
মেলতে ছিল বকের মতো পাখা ।
চড়াইগুলো কিচির-মিচির রবে
করছে খেলা করবীটির টবে ;
ভাবতে ছিলাম বৃষ্টি বুঝি হবে,—
হালকা পায়ে ত্রস্তে এলে কাছে
রেকাবীতে কয়টি ভাজা রাখা ,
মেঘলা দিনের শুভ্র শরৎকাল
আকাশ ছিল নরম আলোয় ঢাকা ॥

প্রসঙ্গত বলা প্রয়োজন, এই উদ্ধৃতির মধ্যোই বিজনকুমারের কবিমানসের সঙ্গে সঙ্গে তাঁর কবিকৃতির পরিচয়ও পাওয়া যাবে। রসিক পাঠক অবশ্যই লক্ষ্য করবেন, বিজনকুমারের কবিভাষা রবীন্দ্রনাথের শেষবয়সের কবিতার ভাষাতেই পরিশীলিত। এই কবিতাটি রবীন্দ্রনাথের 'বীথিকা'র নিমন্ত্রণ কবিতাটিকে মনে করিয়ে দেবে। কিন্তু এই স্বীকরণ নিন্দার নয়, প্রশংসার। বিজনকুমার যে তাঁর নিভৃত কাব্য-সাধনায় রবীন্দ্র-ঐতিহ্যকে আত্মসাৎ করতে পেরেছেন, এতেই তাঁর চাক্ষুশীলনের অত্রান্ত পরিচয় খুঁজে পাওয়া যাবে।

কবি জানেন, এই ভালোবাসা কপূরের মতোই একদিন শূন্যে মিলিয়ে যাবে। কিন্তু তার সৌরভে স্মরণের স্বর্ণমঞ্জুষা চিরদিনই আমোদিত থাকবে। অনাগত সেই ভবিতব্যের কথা চিন্তা করেই কবি বলছেন,

তখন পড়িবে মনে আজিকার এ সাক্ষ্য বাসরে
নিন্দাভয় উপেক্ষিয়া জ্বলেছ-যে প্রেমের প্রদীপ,
দেহের অতীত প্রেমে যে বাসর করেছ রচনা,
স্মৃতির ভাঙারে রবে অমান সে জীবন-অধিপ ॥

প্রেমের কবি স্মৃতির ভাণ্ডারে এই অম্লান প্রেমস্বপ্নকে বৃকে নিয়েই মর্ত্য থেকে
সানন্দে বিদায় নেবার জন্তে মনে মনে প্রস্তুত :

হৃৎখের দিনে স্মরণের স্মৃথ বক্ষে ভরি'
মানুষের প্রেম প্রীতি নিয়ে যেন আমি গো মরি ॥

বিজনকুমারের এই স্মকুমার প্রেমচেতনা কাব্যরসিক মাত্রকেই হ্লাদিত করবে ।

শ্রীমতী মীরা দেবী

করকমলে—

মিতা,—

বয়েস যবে গড়িয়ে তব আসবে ক্রমে ধীরে
শূন্য-মধু; মোমাছির। সবাই যাবে ফিরে,
ভ্রমরকালো অলকদামে ফুটবে সাদা রেখা,
ঝাপসা চোখে রামায়ণের পড়বে যবে লেখা,
দেহের গতি শিথিল অতি, শান্তমতি মুখ,
ফুলের শোভা চাঁদের হাসি দেয় না যবে সুখ,
স্বরের তারে জুড় ধরেছে, নীরব মনোবীণা,
বলতে পার, সেদিন মোরে পড়বে মনে কিনা?
বিষাদ-মাথা সেই সে দিনের ব্যথায়-রাঙা ছবি
হৃদয় মম অন্তরাগে রাখবে একে সবি;
তেমন দিনে খোলই যদি এই পুঁথিটির পাতা
দেখবে তুমি তোমার ছবি ছন্দে আছে গাঁথা।

সৃষ্টিগল্প

১। তোমারে বেসেছি ভালো একান্তে আপন	১
২। পারি নাকো আমি তোমারে যে ছেড়ে দিতে	২
৩। রূপজ মোহের রক্ত-মদিরা	৩
৪। চুম্বকের আকর্ষণ ও দু'টি নয়ানে	৪
৫। এই ভালবাসা সখি মিলাইবে কপূরের মতো	৫
৬। কী যেন কি পেতে চাই তোমাতে গো ললনা	৬
৭। আষাঢ়ের মেঘ বৃষ্টি এসেছে নেমে	৭
৮। ওগো বল্লভ আখি পল্লব ভিজিল কেন	৮
৯। কখন খুশীর একটু বলক লেগে	৯
১০। যাহারে ছাড়িয়া এসেছি চলিয়া অনেক দূর	১১
১১। সোনালী রোদের রঙ মেঘে গেছে লেগে	১৩
১২। রান্নাঘরে খুন্সি হাতে নিয়ে	১৫
১৩। মুঞ্জরিত হাসিখানি ভালো লাগে কত	১৭
১৪। মোর কল্পলোক হ'তে এলে তুমি নাগি	১৮
১৫। নিশীথের অন্ধকারে চলে গেছ তুমি	১৯
১৬। আবির্ভাব বরণা ঘিরেছে দুকুল	২০
১৭। সন্ধ্যার অন্তবালে যে পুলক জাগে	২২
১৮। কার আবেগের উছলিয়া ওঠা জোয়ার ফেনায়	২৩
১৯। ভুলে যাবে তুমি জানি	২৪
২০। মোর জীবনের অল্প ক্ষণের মাধবী রাত্তি	২৫

ଧୁତୁରା ଓ ଷୁଂଝି

ধূতুরা ও যুঁই

নীববে তোমার পানে চেয়ে আছে কবি,-
স্বপ্নাতুর নীলাকাশে ছবি,
ভেসে যাও লঘুপক্ষ মেঘদল সম ।
হুপি মাঝে স্বপনেবা মম,
হাসায় কাঁদায়,
অতপু কি বাসনাব, গোলক-ধাঁধায় ॥

জাগরিত স্মৃতি সেই, মায়া-মরীচিকা
স্বপন-ক্ষণিকা,
কপ নিল দেহ ধরি লীলায় খেলায়
বিচিত্র ভঙ্গিমা-ভরা প্রকাশ মেলায় ।
কত না হেলায়,
সে কপমাধুরী আনে অনল-প্লাবন
ভবি' দেহ মন ॥

প্রকৃতির শাস্ত্র কপ, ক্ষুদ্র জনগণ,
লুকু ছুঁয়ে মন ।
একের গবল পানে বিষের যে জ্বালা
অপরের প্রশান্তিতে শান্তিবাণি ঢালা,
বিপরীত দুই ,
ধূতুরা ও যুঁই
এসেছিল জীবনের প্রদীপ বাসরে,
তারি গান গাই তাই তাদেরি আসরে

তোমারে বেসেছি ভালো একান্তে আপন
 তাইতো থাকিতে চাহি' অতি দূরে দূরে ,
 কামনার বহি জালি নিশি জাগরণ
 ভয় পাছে চেউ তুলে আসে ঘুরে ঘুরে ।
 হাসি খেলা লীলা ছল গোপন কোতুক
 অজ্ঞাতে কি পুষ্প-শর তুলিল মদন ?
 জানি নাকো মাঝ পথে প্রেমের যৌতুক
 অলক্ষ্যে কে ভরি দিল মোর তন্ত মন !
 এলো যদি অযাচিত্তে এ মধু স্বপন
 অটুট্ হইয়া থাক্ নিদ্রা জাগরণে ,
 জীবনের বোঝাপড়া হইবে যখন
 শুধু এই কথাটুকু রেখ তুমি মনে,—
 ভালবেসে দূর হ'তে নিল যে বিদায়
 পরাজিত ভীকু মন ছিল নাকো তার,
 প্রাত্যহিক, রস-হীন এই যে সংসার
 মূল্যশেষে প্রেম যদি চকিতে হারায় !

পারি নাকো আমি তোমারে যে ছেড়ে দিতে
 কত জনমের সঞ্চিত ভালোবাসা,
 খঞ্জন চোখ চঞ্চল চাহনিতে

অনুরে মোর তুলিছ মিলন আশা।
 সুপ্ন বাসনা জাগিয়েছ কুতূহলী,

এখন বলিছ, 'ছাড়, ছাড় মোর, হাত',
 আনমনা জনে প্রেমের খেলায় ছলি

চলে যেতে চাও?—হোক না গভীর রাত
 ভাবিছ সকলে বলিবে তোমায় কি ?

বলুক যা খুশী, আছে কি বা বলিবার,
 ভালবাসি শুধু, তাতেও বলিবে ছি ;

প্রেম তো মানে না শাসনের অধিকার !
 কখন উখলি জোয়ারের মতো আসে

সীমা রেখা তার ঘুচে যায় নিঃশেষে,
 উজলিয়া তাই হৃদয়ের আসে পাশে

সবুজ প্রাণের অঙ্গনে এসে মেশে।
 স্ববির-প্রবীন, জরায়-জড়ানো দেহ

তাহারা কেবলি ফেলিতেছে নিঃশ্বাস,
 হায়রে, ওদের বারণ করে না কেহ

স্বর্গ নরকে এতোই অবিশ্বাস !
 আমরা যখন ওদেরি মতন হব,

প্রেমের নদীতে পড়িবে যখন ভাঁটা,
 তখন না হয় কথাটি মানিয়া লব

নরকের পথে রাখিবারে দু'টি কাটা ॥

কপজ মোহের রক্ত-মদিরা
দেহের পাত্র ভরে',
উথলিয়া ছিল কামনার ফেনা
অন্ধ আছিহু, ওরে ?
শতজন মাঝে পুলকি' উঠেছে
খুশীর বিজলী ঝলকি' ছুটেছে
আখির কোণেতে চমকি' ফুটেছে
আনন্দ শিহরণ,
দোলায়েছো মোর মন ।
সেই শিহরণে ছুলেছি নিতা
ব্যথিত চিত্ত লয়ে ;
অজানা তোমার ছিল কি সেদিন
যে ছিল পাগল হয়ে !
ফুটেছিল দেহে যৌবন ফুল
মৌরভে তার করেছে আকুল,
ভুলিতে সে ফুল, ভেঙ্গে গেল ভুল ;
স্বপনের প্রেম কলি,
জাগরণে গেল চলি' ।
চকিত চপলা মেঘে করে খেলা
ধরিবার সে তো নয় !
শুধু অকারণ ব্যথার দহন
অন্তরে করে ক্ষয় ।
তবু তারি লাগি ফিরি পথে পথে,
ভুলিতে পারি না তারে কোন মতে ,
স্বপনের ছায়া কবে এ মরতে
ধরেছে মানবী কায়া ?
তবু করি ভুল হৃদয়ে আকুল
মৃগ-ভৃষ্ণার মায়া ॥

চুম্বকের আকর্ষণ ও ছ'টি-নয়ানে
 লজ্জার রক্তিম রাগ ললিত বয়ানে
 মন্থকের পুষ্প ধনু তোমার অধরে
 বিদ্যুতের অগ্নিস্পর্শ সারা দেহ 'পরে ।
 সুন্দর ভাস্কর লীলা তনুর রেখায়
 আকାঙ্ক্ষার তপ্ত রাঙা অনল-লেখায় ,
 কাম বণ্য উচ্ছ্বসিয়া মানস সাগরে
 তরঙ্গে তরঙ্গে চিত্ত বিমোহিত করে ।
 ভাবিও না ভুলে যেন তাপসের মন
 লভিয়াছি সাধনায় দেহেতে আপন ,
 হিতাহিত পরিণাম নিষেধের বাণী
 রাখনি তারাও মোরে এত দূরে রাণী ।
 তম্বিতের এই তৃষা, সোনালী স্বপন
 শঙ্কা জাগে মিলাইবে ঘটিলে মিলন ॥

এই ভালবাসা সখি মিলাইবে কপূরের মতো,
 ও মন-মঞ্জুষা হ'তে দূরে গেলে আমি, তাহা জানি ;
 উৎকণ্ঠিত প্রতিক্ষায় পথ-চাওয়া এ সাক্ষ্য-আসর
 বিশ্বরণে মিশে যাবে সমাপ্তির পূর্ণচ্ছেদ টানি ।
 তুমি তো জান না সখি ফোটে যেথা বসন্তের ফুল,
 গন্ধে তার ছুটে আসে মধু-লুক্ক ভ্রমরের দল ,
 গুঞ্জরিবে কানে কানে নিশিদিন প্রশংসার বাণী,
 প্রণয়ের নিবেদনে করে দেবে অন্তর বিকল ।
 মধু শূন্য হ'লে তবু বিশ্বয়ে দেখিবে শুধু চাহি'
 প্রথর সহস্র করে শুক ফুল পড়ে গেছে ঝরে ,
 রূপ-রস-গন্ধহীন বৃন্তসার কুসুমের বৃকে,
 ভুলেও কি মধুমক্ষী কোনো দিন আসে তার পবে ?
 তখন পড়িবে মনে আজিকার এ সাক্ষ্য বাসরে
 নিন্দাভয় উপেক্ষিয়া জ্বলেছ-যে প্রেমের প্রদীপ,
 দেহের অতীত প্রেমে যে বাসর করেছ রচনা,
 স্মৃতির ভাঙারে রবে অমান সে জীবন-অধিপ ॥

কী যেন কি পেতে চাই তোমাতে গো ললনা,
 সে কি ওই বাঁকা ভুরু, আখি ঠারে ছলনা ?
 আভাষে বা ইংগিতে যত কথা বল হে
 অকারণ রোষ ভরে অবৈধ কলহে,
 স্তম্ভুর লাগিলে-ও মন যেন ভরে না
 লভিতে সে স্নাদ দেখি সাধ আর করে না।
 খেলা তব হলে শেষ, যাব কাছে কী আশে,
 সে দিন ও আখি তব কবে কথা কী ভাষে ?
 পুনর্কিত করে আজি যেই রূপ সিন্ধু
 কাল তার থাকিবে কি এতটুকু বিন্দু ?

আষাঢ়ের মেঘ বুঝি
ললাট উঠেছে তাই
ছল ছল চোখ দুটি
মনে হয় এই বুঝি

এসেছে নেমে
নীরবে ঘেমে ;
অশ্রু-ভরা
ঝরিল ত্বরা !

অভিমানে নত আঁখি
কেন চাপা নিঃশ্বাসে
কাছে এসো লক্ষ্মীটি
তোমার এ মনোভাব

অধর কাঁপে,
হৃদয় ফাঁপে ?
আদরিণী গো
আমি চিনি তো !

কয়েছি যে কত কথা
তবু বায়ু বহেনিত
না হয় তোমার প্রেম
তাতেই শ্রাবণ ধারে

কঠিনতর
এমনি থর !
বলেছি ছল
নয়ন জল !

ওগো বল্লভ আঁখি পল্লব ভিজিল কেন ?
 ভরা এই ডালি করিয়াছি খালি তবুও যেন,
 সংশয় নাচে আঁখির তারায়
 হৃদয় তোমার তৃপ্তি হারায়,
 আনমনা মন খোঁজে কি রতন সূদূরে চাহি
 এতো কাছে থাকো, তবু মনে হয় হেথায় নাহি ।

মোর স্বপনের ছোট এ কোণের প্রাচীর ঘেরা
 অঙ্গন মাঝে রচিয়া তুলেছি কুটীর সেরা,
 সুখ-দুখ ভরা সেই গৃহ নীড়ে
 চেয়েছিলুম আমি প্রাণের সাথীরে
 পেয়েছিলুম যেন তারে ক্ষণতরে পূর্ণতম,
 হায়, সে যে স্মৃতি দূর অতীতের স্বপ্ন সম ।

হেরিত যে মন কি যেন স্বপন লভিয়া যাবে,
 সেই নয়নের ভিজে ওঠা পাতা অশ্রু ভারে ;
 অঝর ধারায় ঝরিতে যে চায়
 নাহি জানি হায় কীসের ব্যথার,
 আছাড়ি পরান শুধু বারে বার গুমরি ওঠে
 মোব হাসি গান ভরে না ও প্রাণ ধুলায় লোটে ।

কী বলিছ তুমি ?—পার না বুঝিতে কীসের ব্যথা
 গ্রহণি করিয়া সহ কেন তবে এ নীরবতা ?
 তোল মুখ তোল, করিও না ভুল
 অধরার খোঁজে হয়ো না আকুল,
 মরতে কোটে না স্বরগের ফুল দৃষিত হাওয়া
 বিলাস নেশায় ভুলিও না হায় গেছে যা পাওয়া ॥

কখন খুশীর একটু ঝলক লেগে

তবু দেহে এলো বসন্ত পবিমল ;
বুকের বাঁশীটি অধর পরশে জেগে

মেলিয়া দিল যে ঘুমন্ত শতদল ।
রূপহীন তুমি কে বলে মরমী বঁধু !
বুক ভরা যার সোহাগের এত মধু,
কানায় কানায় উচ্চল ঘট ভবা
করিতেছে চল ছল,
নাহি বা রহিল নাহিরে তাহার
বিদ্যৎ ঝলমল !

পাষণ-মূর্তি করে বিমুক্ত

তবু নাহি কাছে টানে ,
কল-কাকলিতে মানুষের প্রাণ
মানুষেরে কাছে আনে,
উৎসারিত যে গীতি ঝংকার
খোজে কে ফিরিয়া বীণাটির তার
সোনা কি লোহাতে গড়া !

ঐ দেহবীণা বাজায় যে সুর
সেই সুরে-সুরে আমি ভরপুর
প্রেমেতে পড়েছি ধরা ॥

স্বরূপে কুরূপে ভেদাভেদ শুধু
আনন্দ পরিমাণে,
স্বরূপে ফেলিয়া এ জগতে তাই
কুরূপের পূজা মানে,
হেন আছে কত শত শত লোক
হঠাৎ খুশীর ছড়ান পুলক
স্বপনের মতো ছুঁয়ে যায় প্রাণ
বসন্ত শিহরণে,
তব চোখে হেরি খুশীর ঝলক
পুলকিত হই মনে ॥

যাহারে ছাড়িয়া এসেছি চলিয়া অনেক দূর,
তারি স্মৃতি যেন হৃদয়ের মাঝে, গানের স্বর,
নীল নয়নের সেই তারি চাওয়া
সারাটি আকাশ আজি যেন ছাওয়া,
মগ্নের বায়ে সুরভির ছায়ে, নিঃশ্বাস তার,
চাঁদ যেন সেধে পদক হয়েছে, তারারা হার ॥

আবছায়া সেই মুরতির মায়া বিশ্বময়
ভুলিতে চাহিলে পারি না ভুলিতে, সহজ নয় ।
নিশিদিন বসি যেই রূপ রাশি
নয়ন সমুখে উঠেছিল ভাসি
উঠিয়াছে তুলে হৃদি কূলে কূলে খুশীতে নান
মধু-বিষে-মেশা তারি যেন নেশা ভরেছে প্রাণ ॥

অনেক ভাবিয়া এসেছি ছাড়িয়া মরমী বঁধু
রূপের উচ্চাসে নয়ন ভরিয়া এনেছি মধু ;
তারি রঙ দিয়ে এঁকে নিয়ে ছবি
পরাইবে মালা এরূপের কবি,
সেই ছিল আশা ; হায় ভালবাসা পাতিল ফাদ,
তাই বুঝি হাসে, আকাশে বসিয়া বাবু ও চাঁদ ।

হাসুক না সেই ; কী তাহাতে ক্ষতি আজিকে বল
ভরা বেদনায় না হয় আসিল চোখেতে জল !
দূরে বসে তবু মনে করে লব
ছিল যেই দিন অতি অভিনব,
কত কাছাকাছি পেলো যেন বাঁচি, তবু না পাওয়া
তাইতো গভীরে হৃদয়ের পুরে স্মৃতিটি ছাওয়া ॥

যদি চায় মন, রেখ-তারে মনে যতনে ঢাকি
ঘুমাইবে বৃকে, স্বর্ণের স্থখে আড়ালে থাকি,
যদি মন মনে না রাখিতে চায়
বিস্মৃতি তলে চাপা দিও তায়,
অনুরোধ নিও, তাহাই করিও, রেখ না কিছু
কি বা বল-লাভ, শুধু পরিতাপ চাহিয়া পিছু ॥

সোনালী রোদের রঙ্ মেঘে গেছে লেগে ;
 নিশার স্বপন খানি স্বরণে জড়িত,
 আলগোছে সেই রোদ মুখেতে পড়িত,
 পরম আলস্য ভরে, হাতে তাই ঢেকে
 পাশ ফিরে খুলে নিতে নভেলের পাতা ;—
 সে ছবি হৃদয়ে মোর আজো আছে গাঁথা ।

তখন বয়েস আর কতই বা হবে ?
 আমারো বয়স ছিল তব কাছাকাছি ;
 ভুলিনি সেদিনো মোরা খেলা কানামাছি
 রঙের আভাস শুধু মনে ছোঁয় সবে ।
 সেদিন মানসীরূপে ছিলে রাজকন্যা
 মনের পুঁথিতে ছিল রূপকথা বন্যা ।

সে কথা এখন থাক ;—শোন শেষ করি,
 কী যেন বলিতেছিল,—সেদিনের কথা !
 কি হবে বাড়িয়ে আর অতীতের ব্যথা,
 কাঁটাতো ফিরিবে নাকো, দ্রুত ছোটো ঘড়ি
 সে দু'জন হারিয়েছে আজি কালশ্রোতে,
 কি হবে স্বরিয়া তারে এই দূর হ'তে !

তবুও লাগিছে ভাল !—শোন তবে বলি,
 বিশ্বত কাহিনী স্বাদ অন্ন ও মধুর,
 যেন, সেই জড়ো করা প্রণয়ী বঁধুর
 অতীতের লিপিগুলি ; গুঞ্জরিয়া অলি
 যার মাঝে গেয়ে গেছে কত শত গান
 সঙ্কয়ের ধন আজ, শুক, মৃত প্রাণ ॥

থাক্ তারা, খুলিব না আজিকার রাতে ।
কেন যে ডেকেছ মোরে ভুলে গেছি তাই,
আঘাতিয়া বলেছিলে ভালবাসি নাই ;
কী লাভ রাখিয়া বল হাত মোর হাতে !
ও হাতে দিয়েছ মালা তুমি যার গলে
তারেও ছলিতে চাও নূতন কোশলে ?

দূরে গেলে!—সেই ভালো ; এসো নাকো কাছে ।
কী হবে আসিয়া বল?—যেই মনে শুধু
বিচিত্র পিপাসা জাগে ; তৃণ হীন ধু-ধু
অভিশপ্ত মরুভূমে তারা খালি ঝাচে ।
ছায়া নিয়ে মাতে যারা নিষ্ঠুর খেলায়,
টোনো না তাদের দলে আমারে হেলায় ।

তার চেয়ে ঢের ভাল, বিশ্বতির পারে
বসে থাকা বৃকে নিয়ে স্মৃতির পরশ ;
বেদনায় সিক্ত সেই মনের হরষ,
ভিখারী হয়নি যেই তোমার দুয়ারে ;
আকর্ষণ করিয়া পান প্রেমের গরল
তবুও উপেক্ষা করে চাহনি তরল ॥

হয়তো বা একদিন কারো মুখ ছবি
মনের কুয়াসা ভেদি' বাহিরেতে আসি
অন্তরের অন্তঃস্থলে তম তব নাশি
হৃদয় আকাশে তব প্রকাশিবে রবি ।
তাহারি আলোকে তুমি হেরিবে বিষ্ময়ে
পুষিয়াছ যাহা তুমি, ভালবাসা নহে ॥

রান্নাঘরে খুস্তি হাতে নিয়ে
ব্যস্ত ছিলে রন্ধনেতে রত ;
আগুন রাঙা শাড়ীখানি তব
অঙ্গ ঘিরে অগ্নি শিখার মত ।
হাতের চুড়ি মধুর মিঠে সুরে,
শোনায় গান আমায় ঘুরে ঘুরে ;
চলে গেলাম তখন যেন দূরে,
নীল আকাশে কাটা ঘুড়ির মত ,
রান্নাঘরে খুস্তি হাতে নিয়ে
ব্যস্ত ছিলে রন্ধনেতে রত ॥

মেঘলা দিনের শুভ্র শরৎকাল
আকাশ ছিল নরম আলো' ঢাকা ,
তুলোর মত পেঁজা খণ্ড মেঘ
মেলতে ছিল বকের মত পাখা ।
চড়াইগুলো কিচি-মিচির রবে
করছে খেলা করবীটির টবে ;
ভাবতে ছিলাম বৃষ্টি বৃষ্টি হবে,—
হালকা পায়ের ত্রস্তে এলে কাছে
রেকাবীতে কয়টি ভাজা রাখা ;
মেঘলা দিনের শুভ্র শরৎকাল
আকাশ ছিল নরম আলোর ঢাকা ॥

চোখে তোমার ছিলই যেন ঘোর
গত নিশার মিষ্টি স্বপন খানি ;
পাতলা ঠোঁটে একটু ছিল লেগে
চুম্বার স্বাদ মধুর মত রাণী ।

চূর্ণ অলক কর্ণ মূলের কাছে
গণ্ড যেথায় রাগা আগুন অঁচে,
তিলটি যেন তাহার পাছে পাছে
শোনায় মোরে কোন্ অমরার বাণী—
শরতের সেই শুভ্র আকাশ থেকে
আসলে নেমে মর্ম-মানস রাণী ॥

নল্লৈ, ধরো ঠাণ্ডা হয়ে যাবে
অল্প গরম লাগবে তোমার ভালো,
চায়ের জল চাপিয়েছি সে কবে
ফুটলে বেশী রঙ হবে যে কালো।
তখন আমি মুখের পানে চেয়ে
দেখতে ছিলাম সারা কপাল বেয়ে
বিন্দু বিন্দু ঘাম ছিল যা ছেয়ে
অঙ্গ ঘিরে কিসের যেন আলো ;
নল্লৈ ধরো ঠাণ্ডা হয়ে যাবে ;
অল্প গরম লাগবে তোমার ভালো ॥

গত রাতের উছল গীতি সুরে
লেগেছে আজ যেন গভীর তান ;
জোয়ার শেষে এ যেন সেই নদী
গাইছে পুনঃ ফিরে ভাঁটার গান।
মৃগ ছিন্ন যাহার কলোচ্ছাসে
পরিমিত তাহার মঞ্জুভাষে
অন্য কী সুর মর্মে যেন আসে
শিহর লেগে রোমাঙ্কিত প্রাণ ;
গত রাতের উছল গীতি' সুরে
লেগেছে আজ যেন গভীর তান ॥

মুগ্ধরিত হাসিখানি ভালো লাগে কত !
 যেন ক্ষীণ-শশিলেখা দূর নীলাকাশে ;
 আখির তারারা যেন কত মৃদু ভাবে,
 উচ্ছলিয়া বলে মোরে হৃদি ভাষা যত ।
 কাজল ও কালো চূলে ফুলের সুবাস
 আকুল মদির করে পরাণ চঞ্চলি ;
 বন্ধিম ও দেহলতা যেন ফুল-কলি,
 তরঙ্গিত রূপ হেরি মেটে নাকো আশ !
 তবু এরা পায় নাকো তার কাছে ঠাই
 লজ্জাকরণ গণ্ডে যবে দুই ফোঁটা জল
 নিঃশব্দে ঝরিয়া পড়ে ; তুলনাটি নাই
 অশ্রুধারে ধৌত সেই নয়ন কমল ;
 যারে হেরি রূপ-মুগ্ধ মৌন বেদনায়
 উজাড়ি হৃদয় দেয় রাঙা ছুটি পায় ॥

মোর কল্পলোক হ'তে এলে তুমি নামি,
 মৃন্তিমতী হেঁ রূপসী গোধূলি বেলায় ;
 প্রাণের পুলক যবে গিয়েছে হেলায়,
 কেমনে তা বাহুপাশে বেঁধে নেব-আমি !
 সঞ্চারিয়া মর্মে তাই কী গোপন ব্যথা
 গুঞ্জরিয়া তোল তুমি অতীতের ভাষা ;
 শুধু এই ভয়-হৃদি করে না প্রত্যাশা
 যৌবনের-লীলাভরা কল-মুখরতা ।
 বর্ষা অস্ত্রে ভরা নদী, তারি কল গান,
 পরম আলম্বে শোনে মৌন মুগ্ধ প্রাণ ।
 পরিতৃপ্তি আনে নাকো অলস স্বপন
 ও চঞ্চল মনে তব ; যৌবনের বেগে
 তনুর তনিমা যার মেঘে যায় লেগে
 বাঁধা ক্ষেতে করে কি সে স্বপন বপন ?

নিশীথের অন্ধকারে চলে গেছ তুমি,
 মনের আকাশে তবু তারি ছায়াপথ ;
 নিমেষে মিলায়ে গেছে যেই স্বর্ণ রথ
 চাকার স্মৃতিটি বয় আজো মনোভূমি ।
 তরঙ্গিত কালো কেশে যেই স্বপ্ন জাল
 রচে ছিলে মনে এই গোধূলি বেলায় ;
 স্মরণে হয়েছে ফিকে সে কপোল লাল,
 তবুও তাদের দূরে রেখেছি হেলায় !
 মর্ম মাঝে স্তম্ভ রহি নিশ্বাসের সাথে
 গোপন গভীর রাতে স্বপ্ন তেনে আনি
 মঞ্জুরিয়া তোলে ভাষা স্মৃতির শ্রবণে ।
 দিবসের কর্গশ্রোতে তাহাতে আমাতে
 না হলেও পরিচয়, আছে ঠিক জানি
 নিভৃত অন্তর লোকে মনের গহনে ।

আবির্ভাব বরণা ঘিরেছে হুকুল
 ঠাপার বরণা তন্নী,
 হরিণ-নয়না ফুটিত মুকুল
 জালি যৌবন বহি ;
 ধেয়ে চল তুমি চপল ছন্দে
 আপনার মনে কী যে আনন্দে
 সরল কুটিল কত যে রেথায়
 জীবনের পথে চরণ লেথায়
 হাসি-অশ্রু মিলিত ভাষায়
 মৌন-মুখর কাহিনী
 হ'ল কি শাস্ত সমর ক্রান্ত
 তোমার বিজয় বাহিনী ?

নাম হীন কেহ কুড়াইয়া ফুল
 ঘেরি' দিয়েছিল ঘন কালো চুল ,
 বাসনা ব্যাকুল হৃদয় আকুল
 রঞ্জিত ফুল গন্ধে ,
 ক্ষণিকের স্মৃতি স্বপন মধুর
 অজ্ঞাতে পাওয়া পরশ বঁধুর
 হিয়া কি গো আজ করে না বিধুর
 নন্দিত নব ছন্দে ?
 উদাসী শরতে মেঘের ভেলায়
 শারদ স্বচ্ছ ইন্দু ;
 ফেলেছে হেলায় হৃদয়-বেলায়
 আছাড়ি বাসনা-সিক্কু ;

দুৰ্বল ক্ষণে-ধরি হাত খানি
এঁকে দিয়ে গেছে চুম্বন রাণী
বিদায়ের ক্ষণ পূর্বে ;
সে স্মৃতি কি মনে ঘুরবে ?

নব বসন্তে মদ-বিহ্বলা
খসে পড়ে ধীরে কাঞ্চি-মেথলা
প্রেম অনুরাগে মিলন উতলা
আজি সুমধুর সন্ধ্যায় !
অনুরে তব বাজে নাকি বাণী
পড়ে নাকি চোখে ছায়া এক খানি ?
অশরীরী সেই প্রণয় রাগিনী
শুনি কোন্ দিকে মন ধায় ?

সন্টার অন্তরালে. যে পুলক জাগে
তাই বুঝি ঠোঁটে এসে লাগে
কাঁপায় অধীর
কামনায় উচ্ছ্বসিত বাসনা মদির
সর্বক্ষে আনিয়া দেয় ভাবের উচ্ছ্বাস
যেন জলোচ্ছ্বাস,
আছাড়িয়া ছুটে আসে বেলাভূমি তীরে
অসংখ্য গানের ভাষা চারু দেহ ঘিরে ।
অশ্রুত সে সুর
কল্পলোকে মন মোর ভরে ভরপুর ।
লাবণ্য প্রবাহ
দেহের সীমানা ত্যজি ভাসাইতে চাহ ?
রূপহীণ সেই তীর গতি
বিচ্ছুরিত স্বর্ণকান্তি ওই দেহ জ্যোতি
আষাঢ় কাজল মেঘে দামিনী ঝলক
পলকে পলক ।
মন মোর টেনে নেয় তড়িতের টানে
উন্মত্ত আকাঙ্ক্ষা ছোটে তারি পানে পানে ।
হায় মিছে ধাওয়া
নিমেষে মিলায়ে যায় হয় নাকো পাওয়া ।
জড় বস্তু দেহ,
লভিয়া সান্ত্বনা পাক আছে যার স্নেহ ।
মমতা বিহীন,
কবির মানসী থাক স্বপ্নে হয়ে লীন ॥

ভুলে যাবে তুমি জানি,

ক্ষণিকের প্রেম করে নাকো রেথাপাত,
মোহিনী মায়ায় এমনি চাঁদিনী রাত,
বিবশ করেছে মানি ।

তবু মোর এই এতটুকু আজ পাওয়া
রূপোলী আলোয় বনতল এই ছাওয়া ,
চাঁদের বেদনাটুকু,
অমিয় সরস হলো,

ভুলিতে চাও তো ভোল ।

হয়তো একদা কোনো দূর কালে স্মরণের সেই ধন
অলস বিবশ মন্ত্রর দিনে দোলাবে তোমাব মন ॥

এসো সরে কাছে, কাছে এসো সরে আজ,

অদূরে ঘুমায় জোছনায় মমতাজ ।

ঝাউয়ের পাতা মর্মর স্বরে বাজে

যেমনি বাজিত কাঁকনের ধ্বনি সাঁঝে ।

ঈষৎ হেলান গ্রীবাটির পানে চেয়ে

শাজাহাঁ ভেবেছে, “কোথাকার এই মেয়ে !”

সট্কার টানে হয়েছে তাহার ভুল,—

স্মরণের স্মৃধা—ধরণীর ফোটা ফুল ॥

চমক ভাঙিল, চেয়ে দেখি তুমি নাই ;

খুঁজিনিকো আর,—কী হবে খুঁজিয়া বল ?

চেয়েছি তোমাকে ?—বলিতে পারি না তাই,

তবু কেন আঁখি বেদনাতে ছল ছল !

মনে হয় ক্ষণে অশান্ত বুকে বেঁধেছিল তার বাসা

রূপোলী-মায়ায় ফাঁদ পেতে বুকি চপল সে ভালবাসা

বাঁধিতে পারে নি তারে,

তাই করে দিল পথিক আবার সীমাহীন প্রান্তরে ॥

মোর জীবনের অল্প ক্ষণেব মাধবী বাতি
ভরিয়া তুলিও নৃত্যে ও গানে প্রাণেব সাথী ।
 তাবপরে যদি মিলায় আলোক
 করিব না আমি কোন অনুরোধ,
দুঃখের দিনে স্মরণের স্মৃতি বক্ষে ভরি'
মানুষের প্রেম প্রীতি নিয়ে যেন আমি গো মরি ॥

বড়ো অকারণ ব্যথা-নিদারুণ তাদের ভাই
পেলো না যাহারা নিঃশ্ব তাহারা, তৃষ্ণাটাই
 বুকে বহে নিয়া গিয়েছে ছুটিয়া
 পাথরের বুকে পড়েছে লুটিয়া
জড়ের ভিতরে স্বরেব ধ্বনিটি শুনেছে কি না,
সন্দেহ স্মরে গুঞ্জরে ঘুরে বৃকের-বীণা ॥

বুঝিও না ভুল, মোর এই ফুল সুরবাসে ছায়,
স্বভির টানে মন টেনে আনে মানুষে চায়,
 সন্দেহ-দোলে দোলে যাব মন
 যত কিছু তার স্থলন-পতন,
এই পশুত্ব—এই দেবত্ব, পরম-ধন
সেই অতলের গভীর তলেব সাধিছে মন ॥

কিছু তার আলো, কিছু তার কালো, অবুঝা-বুঝি
মোব চেতনায় আঘাতিয়া যায়, তাইতো খুঁজি,
 অকপ-সাগর বৃদ্ বৃদ্ ফেনা
 ভ্রমিতে মিলায় সবুর মহেনা।
তবু বার বার ধাই অনিবার ভ্রমিতে পুঁজি
ডুবুরীর মতো ডুব দিয়ে আমি তাইতো খুঁজি ॥

দ্রান্ত পথিক ক্লান্ত দেহেতে যদি গো যাই
তবু মনে খেদ এতটুকু মোর হবে না ভাই,
পাইয়াছি যেই প্রীতির পরশ
এ জীবন-মরু করেছে সরস
শ্যামল কুঞ্জে ভ্রমর 'পুঞ্জ' ফুলের বাস
স্বরভিত করি পড়ে যেন মোর শেষের শ্বাস ॥

